

RESOLUCIÓN POLA QUE SE FORMALIZA O ENCARGO A MEDIO PROPIO DA UNIVERSIDADE DA CORUÑA A SIGMA XESTIÓN UNIVERSITARIA A.I.E. (M.P.) PARA O DESENVOLVEMENTO, A IMPLANTACIÓN, A CONFIGURACIÓN E A POSTA EN MARCHA DE APLICACIÓNS PARA A XESTIÓN ACADÉMICA

D. Julio E. Abalde Alonso, Reitor Magnífico da Universidade da Coruña (a partir de agora, a Universidade), en nome e representación desta e en exercicio das competencias que lle atribúen os artigos 20 da Lei orgánica 6/2001, do 21 de decembro, de universidades e o Decreto 101/2004, do 13 de maio, (DOG do 26 de maio) e modificados polo Decreto 194/2007, do 11 de outubro, (DOG do 17 de outubro) polo que se aproban os Estatutos da Universidade, para os efectos deste encargo con domicilio na rúa Maestranza 9, 15001 A Coruña e co NIF: Q6550005J.

EXPÓN:

Primeiro. Que esta resolución se somete ao disposto na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (a partir de agora, LCSP).

Segundo. Que, conforme ao artigo 3 da LCSP, a Universidade recibe a consideración de poder adxudicador e, por tanto, queda incluída no ámbito de aplicación subxectivo desta norma.

Terceiro. Que SIGMA é unha agrupación de interese económico sen ánimo de lucro, regulada ao amparo da Lei 12/1991 do 29 de abril, de agrupacións de interese económico, cuxo capital social se atopa integramente participado por dezaseis universidades, entre elas a Universidade. O seu obxecto é, de acordo coa dita lei e segundo os seus Estatutos, facilitar o desenvolvemento e mellorar o resultado da actividade dos seus socios no ámbito do desenvolvemento, a implantación e a explotación informáticos dos circuitos administrativos e informativos relacionados coa xestión das universidades e da súa explotación comercial, incluído o sistema SIGMA.

Cuarto. Que os artigos 2 e 32 da LCSP exclúen do ámbito obxectivo de aplicación desta norma os negocios xurídicos en cuxa virtude un poder adxudicador encargue a unha entidade que, conforme ao sinalado no artigo 32 da LCSP, teña atribuída a condición de medio propio personificado e servizo técnico deste, a realización dunha determinada prestación, considerando expresamente o referido artigo como medio propio personificado e servizo técnico dos poderes adxudicadores para os que realicen a parte esencial da súa actividade a aqueles entes, organismos e entidades do sector público a que aqueles lles poidan conferir encargos que sexan de execución obrigatoria para eles.

Quinto. Que, conforme ao que establece o referido artigo 32 da LCSP, SIGMA constitúe medio propio personificado e servizo técnico da Universidade e dos poderes adxudicadores dependentes dela, segundo consta expresamente no artigo 2 dos Estatutos da agrupación, polo que quedarán excluídas do ámbito de aplicación destas leis os encargos que SIGMA reciba da Universidade e que sexan de execución obrigatoria. Para estes efectos, as relacións de SIGMA cos poderes adxudicadores dos que é medio propio personificado e servizo técnico teñen natureza instrumental e non contractual e artículanse a través de encargos dos previstos no mesmo artigo 32 da LCSP.

Código Seguro De Verificación	Rp/QrMBdcAsN7/nTaSUxdQ==	Estado	Data e hora
Asinado Por	Reitor - Julio Ernesto Abalde Alonso	Asinado	13/10/2022 10:36:46
Observacións		Páxina	1/51
Url De Verificación	https://sede.udc.gal/services/validation/Rp/QrMBdcAsN7/nTaSUxdQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Sexto. Que a Universidade considera idóneo que as actuacións de implantación, desenvolvemento e mantemento de aplicacións para a xestión académica se executen a través de SIGMA, ao encaixar dentro do seu obxecto social e dispor esta agrupación dos medios precisos para o seu desenvolvemento, e con cargo aos Fondos Europeos “NextGenerationUE”, regulados polo Real decreto 641/2021, do 27 de xullo, polo que se regula a concesión directa de subvencións a universidades públicas españolas para a modernización e dixitalización do sistema universitario español no marco do Plan de recuperación, transformación e resiliencia.

Sétimo. Que a Universidade verificou que SIGMA conta cos medios persoais e materiais para realizar o presente encargo.

De acordo co exposto, **RESOLVE:**

Primeiro:

Formalizar e regular o encargo da Universidade ao seu medio propio SIGMA para o desenvolvemento, a implantación, a configuración e a posta en marcha de aplicacións para a xestión académica. O encargo a medio propio non supón, en ningún caso, a cesión por parte da Universidade a SIGMA da titularidade de ningunha prerrogativa ou competencia nin dos elementos substantivos do seu exercicio.

De acordo cos artigos 2 e 32 da LCSP, este encargo encóntrase excluído do ámbito de aplicación da normativa aplicable aos contratos do sector público.

Segundo:

De acordo con esta resolución, SIGMA queda obrigada a executar as actuacións descritas no **anexo I**, segundo as instrucións fixadas pola Universidade.

Durante o período de vixencia deste encargo, a Universidade poderá ordenar a SIGMA a realización doutras actuacións distintas das anteriores, sempre que cumpran os requisitos de elixibilidade de cofinanciamento mediante fondos do Plan de recuperación, transformación e resiliencia, as cales se incorporarán como anexo a esta resolución, en que se detallarán as ditas actuacións e a compensación tarifaria aplicable a elas. Calquera outra actuación que non cumpra estes requisitos será obxecto dun novo encargo de xestión.

Terceiro:

O persoal de SIGMA que realice as actividades derivadas do presente encargo non terá ningún tipo de vinculación, de carácter laboral nin administrativa, coa Universidade.

SIGMA poderá contratar con terceiros a execución das actuacións definidas no **anexo I**, en cuxo caso se axustará ao que dispón a LCSP, en particular ao establecido no seu artigo 32, e ao previsto neste encargo. Así mesmo, deberá cumprir co establecido nas bases de execución dos fondos do Plan de recuperación, transformación e resiliencia en canto ao beneficiario final das axudas e subcontratistas.

Código Seguro De Verificación	Rp/QrMBdcAsN7/nTaSUxdQ==	Estado	Data e hora
Asinado Por	Reitor - Julio Ernesto Abalde Alonso	Asinado	13/10/2022 10:36:46
Observacións		Páxina	2/51
Url De Verificación	https://sede.udc.gal/services/validation/Rp/QrMBdcAsN7/nTaSUxdQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Cuarto:

SIGMA facilitará todos os medios materiais necesarios para o desenvolvemento das actuacións antes relacionadas, incluídos os medios técnicos, informáticos, telefonía móbil e desprazamentos necesarios para realizar os traballos encargados, para o que se rexerá polos criterios de economía, eficacia, eficiencia e calidade.

Quinto:

As actuacións que SIGMA levará a cabo financiaranse con cargo ás partidas orzamentarias seguintes deste subproxecto do proxecto UNIDIXITAL por unha suma total 479 775,68 €:

100021NG15.422D.22712 (consultoría e asesoramento externo/contratación de servizos) por importe de 186 035,58 € e 100021NG15.422D.64007 (adquisición de software) por importe de 293 740,10 € do vixente orzamento de gastos da Universidade. Porén, estas cantidades quedarán supeditadas á existencia de crédito adecuado e suficiente no orzamento da Universidade que se aprobe para o ano 2022.

A compensación tarifaria de que resulta acreedora SIGMA foi aprobada pola Universidade e aboarase de acordo co plan seguinte:

Referencia	Actuación	Data	Base imponible
	Implantación SIGMA Academic – Fase II		425 220,30 €
	100021NG15 422D 22712 (consultoría e asesoram. externo/contratación de servizos)		
UdC001/22	Implantación Fase II		186 035,58 €
		30/10/22	89 905,20
		1/1/23	27 905,34 €
		1/4/23	27 905,34 €
		1/7/23	20 159,85 €
		1/10/23	20 159,85 €
	100021NG15 422D 64007 (adquisición de software)		
UdC002/22	Carga datos básicos e expedientes vixentes		31 992,09 €
		30/11/22	9 855,59 €
		1/1/23	6 398,42 €
		1/4/23	6 398,42 €
		1/7/23	6 398,42 €
		1/10/23	2 941,25 €
UdC003/22	Cota Academic 2022		12 474,11 €
		1/10/22	12 474,11
UdC001/23	Cota Academic 2023		178 283,32 €
		1/1/23	44 570,83 €
		1/4/23	44 570,83 €
		1/7/23	44 570,83 €
		1/10/23	44 570,83 €
UdC002/23	Soporte en produción 2023		16 435,20 €
		1/4/23	4 108,80 €
		1/7/23	4 108,80 €

Código Seguro De Verificación	Rp/QrMBdcAsN7/nTaSUxdQ==	Estado	Data e hora
Asinado Por	Reitor - Julio Ernesto Abalde Alonso	Asinado	13/10/2022 10:36:46
Observacións		Página	3/51
Url De Verificación	https://sede.udc.gal/services/validation/Rp/QrMBdcAsN7/nTaSUxdQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



	1/10/23	4 108,80 €
	1/12/23	4 108,80 €
GAP		54 555,38 €
UdC004/22	Estudo GAP 2022-23	20 544,00 €
	30/11/22	20 544,00 €
UdC003/23	Desenvolvemento GAP 2022-23	34 011,38 €
	Segundo aprobación propostas	34 011,38 €
Total facturación		479 775,68 €

NIF Universidade da Coruña:

Q-6550005-J

Operación non suxeita a IVE por aplicación do art. 7, apartado 8, da Lei 37/1992, do 28 de decembro, do imposto sobre o valor engadido.

De acordo coa disposición final décima da LCSP, a compensación tarifaria de que resulta acreedora SIGMA non está suxeita a IVE.

Sexto:

A execución do encargo realizarase baixo a dirección do responsable designado pola Universidade, que disporá a orde dos traballos e as variacións que, de ser o caso, procedan.

Será responsabilidade da Xerencia da Universidade ditar os actos ou as resolucións que dean soporte ou en que se integre a concreta actividade material obxecto do encargo.

Pola súa banda, SIGMA farase cargo do desenvolvemento técnico dos traballos contidos neste encargo baixo a supervisión da Xerencia de Contas asignada á Universidade que será a interlocutora con quen se relacionará unicamente a Universidade e a quen corresponderá a dirección do proxecto, así como de impartir directamente as ordes e instrucións de traballo ao resto de traballadores de SIGMA.

Sétimo:

SIGMA remitiralle á Universidade, ao final de cada trimestre, unha memoria que permita o seguimento da xestión efectuada.

Igualmente, someterase ás actuacións de comprobación que, en relación coa esta, practique a Universidade e facilitaralle toda a información que lle sexa requirida.

Oitavo:

SIGMA queda obrigada a cumprir coas esixencias previstas no Regulamento (UE) 2016/679, relativo á protección das persoas físicas no que respecta ao tratamento de datos persoais (a partir de agora, RXP) e na normativa relacionada, así como naquelas normas que as substitúan ou se poidan ditar no seu desenvolvemento en relación cos datos de carácter persoal de que dispoña.

Código Seguro De Verificación	Rp/QrMBdcAsN7/nTaSUxdQ==	Estado	Data e hora
Asinado Por	Reitor - Julio Ernesto Abalde Alonso	Asinado	13/10/2022 10:36:46
Observacións		Páxina	4/51
Url De Verificación	https://sede.udc.gal/services/validation/Rp/QrMBdcAsN7/nTaSUxdQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Achégase como **anexo II.1** o Protocolo sobre protección de datos de carácter persoal aplicable a este encargo.

O **anexo II.2** contén, así mesmo, as medidas de seguridade que SIGMA deberá aplicar de acordo cos principios e requisitos que contén o Real decreto 3/2010, do 8 de xaneiro, polo que se regula o Esquema Nacional de Seguridade no ámbito da Administración electrónica, modificado polo Real decreto 951/2015, do 23 de outubro, de ser o caso, e de acordo con as instrucións fixadas pola Universidade e recollidas nos anexos deste encargo. Así mesmo, SIGMA comprométese a adaptar as novas disposicións e as medidas de seguridade para o cumprimento do Real decreto 311/2022, do 3 de maio, polo que se regula o Esquema Nacional de Seguridade durante o período de transición establecido legalmente por esta mesma norma.

Noveno:

9.1 Dereitos de propiedade intelectual

Fóra do establecido de forma expresa nesta resolución, esta non lle garante á Universidade nin a SIGMA ningún dereito, título ou interese sobre os respectivos dereitos de propiedade intelectual nin dos seus outorgantes de licenza.

A Universidade é a titular de todos os dereitos de propiedade intelectual correspondentes aos contidos da Universidade e SIGMA é a titular de todos os dereitos de propiedade intelectual correspondentes á Plataforma SIGMA.

En particular, a Universidade acepta que a Plataforma SIGMA, incluíndo o Software SIGMA e calquera outro software, hardware e documentación asociada, foi creada por SIGMA, que conservará todos os dereitos de propiedade intelectual, industrial ou calquera outros sobre ela e que non poderá ser obxecto de modificación ulterior, copia, alteración, reprodución, adaptación ou tradución por parte da Universidade.

A estrutura, as características, os códigos, os métodos de traballo, os sistemas de información, as ferramentas de desenvolvemento, o *know-how*, as metodoloxías, os procesos, as tecnoloxías ou os algoritmos da Plataforma SIGMA son propiedade de SIGMA, ou dos seus provedores, que son, neste último caso, obxecto de licenza ou cesión por parte deles, e están protexidos polas normas españolas ou internacionais de propiedade intelectual e industrial, e non poden ser obxecto de modificación ulterior, copia, alteración, reprodución, adaptación ou tradución por parte da Universidade.

En consecuencia, non está permitido que a Universidade utilice a Plataforma SIGMA ou os materiais asociados a esta sen a autorización de SIGMA, incluída a súa explotación, reprodución, difusión, transformación, distribución, transmisión por calquera medio, publicación posterior, exhibición, comunicación pública ou representación total ou parcial, as cales, de se producir, constituirán infraccións dos dereitos de propiedade intelectual ou industrial de SIGMA, sancionadas pola lexislación vixente.

9.2 Signos distintivos

A Universidade non poderá expor nin utilizar signos distintivos de SIGMA nin esta poderá expor ou utilizar signos distintivos da Universidade, salvo nos supostos expresamente permitidos neste encargo, sen o consentimento previo por escrito da entidade titular do signo distintivo en cuestión. SIGMA unicamente poderá exhibir aqueles signos distintivos da Universidade que esta lle autorízase (esta autorización enténdese outorgada ao lle encargar

Código Seguro De Verificación	Rp/QrMBdcAsN7/nTaSuxdQ==	Estado	Data e hora
Asinado Por	Reitor - Julio Ernesto Abalde Alonso	Asinado	13/10/2022 10:36:46
Observacións		Páxina	5/51
Url De Verificación	https://sede.udc.gal/services/validation/Rp/QrMBdcAsN7/nTaSuxdQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



a Universidade a SIGMA o desenvolvemento e mantemento de aplicacións para a xestión académica).

Tanto a Universidade como SIGMA poderán revogar o seu consentimento para utilizar os seus signos distintivos de acordo co presente encargo, mediante unha notificación escrita respecto diso, en calquera momento, coa debida antelación.

9.3 Publicidade

A Universidade acepta que SIGMA poida incluír o nome da Universidade nunha lista de usuarios dos seus servizos, en liña ou en materiais de promoción. Ademais, a Universidade tamén acepta que SIGMA poida facer referencia verbal a ela como un usuario dos servizos de SIGMA.

Décimo:

Sen prexuízo da información que, con carácter xeral, se deba publicar para cumprir a lexislación sobre transparencia, acceso á información e bo goberno, «**información confidencial**» significa toda a información técnica, xurídica, económica, organizativa ou de calquera outro tipo correspondente á Universidade ou á SIGMA, vinculada a ou xerada como consecuencia da execución do presente encargo e que pola súa natureza puidese ser considerada confidencial, con independencia do soporte en que constase ou dos medios empregados para a súa revelación, así como calquera análise, recompilación, estudo, resumo ou extracto que SIGMA, a Universidade ou ambas, conxuntamente, elaborasen a partir da información/documentación inicialmente divulgada por calquera delas. En particular, os medios persoais, materiais e económicos especificamente empregados na execución deste encargo, os datos de carácter persoal e os dereitos de propiedade intelectual definidos anteriormente, terán a consideración de información confidencial da Universidade. Non recibirá esta consideración a información que, conforme á lexislación aplicable á contratación do sector público, se deba facer pública no perfil do contratante.

A Universidade e SIGMA quedan obrigadas, respecto da información confidencial, a (i) mantela secreta, incluíndo este deber, calquera divulgación da información, non só a terceiros senón tamén a calquera persoa non autorizada en virtude deste encargo; (ii) adoptar todas as medidas necesarias tendentes a evitar que a dita información poida ser coñecida por terceiros non autorizados polo titular dela. Neste sentido, a Universidade protexerá a información confidencial de SIGMA e esta protexerá a información confidencial da Universidade, para o que utilizarán os mesmos medios de protección que usan para protexer a súa propia información confidencial e nunca medios inferiores aos razoablemente esixibles en atención á natureza da información e ao estado da técnica; (iii) non utilizar a información confidencial, directa ou indirectamente, para ningún fin alieo ao de cumprir o presente encargo; (iv) restrinxir o acceso á información confidencial só a aqueles empregados, propios ou subcontratados, que a deban coñecer co motivo da execución do encargo; (v) non reproducir ou copiar a información confidencial a menos que sexa imprescindible para cumprir o que está establecido neste encargo ou se obteña o consentimento previo e escrito da entidade a que pertenza.

No caso de que unha autoridade xudicial ou administrativa requirise dar información confidencial, a entidade que reciba o requirimento poñerá previamente en coñecemento da entidade á cal faga referencia a dita información confidencial e restrinxirá a súa divulgación tanto como o requirimento lle permita.

Código Seguro De Verificación	Rp/QrMBdcAsN7/nTaSuxdQ==	Estado	Data e hora
Asinado Por	Reitor - Julio Ernesto Abalde Alonso	Asinado	13/10/2022 10:36:46
Observacións		Páxina	6/51
Url De Verificación	https://sede.udc.gal/services/validation/Rp/QrMBdcAsN7/nTaSuxdQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Décimo primeiro:

O encargo deberá ser realizado por SIGMA, que poderá contratar con terceiros a execución de prestacións parciais, sempre que estas non excedan dun 50 % da contía do encargo.

Estes contratos quedarán sometidos á LCSP, nos termos que sexan procedentes de acordo coa natureza de SIGMA e o tipo e valor estimado dos ditos contratos, a que se lle aplicarán en todo caso as normas que figuran na dita lei.

Décimo segundo:

SIGMA responderá dos danos causados por dolo, culpa ou negligencia derivados da súa actuación fronte ás partes ou a terceiros, sen ningunha limitación derivada do importe correspondente ao prezo dos servizos efectivamente aboado pola Universidade a SIGMA no momento en que se produza a causa que motive a indemnización. Para estes efectos, SIGMA ten subscrita unha póliza de seguro de responsabilidade civil que presta cobertura aos riscos derivados da actividade obxecto do encargo. Os subcontratistas e provedores de SIGMA quedarán obrigados só ante esta, que asumirá, por tanto, a total responsabilidade da execución do encargo.

As partes non serán responsables, en ningún caso, de danos indirectos, imprevistos, especiais ou accidentais sufridos por calquera delas ou por un terceiro, mesmo se a outra parte ou calquera outra persoa foi advertida da posibilidade de tales danos. En consecuencia, será obrigación da Universidade e non de SIGMA, realizar copias de seguridade coa periodicidade suficiente, así como instalar medidas de seguridade, obter as licenzas e implantar programas de antivirus, *firewall*, ou calquera outro que puidese ser necesario para manter a integridade, confidencialidade e seguridade dos datos e sistemas da Universidade.

SIGMA non será responsable fronte á Universidade, entre outros supostos, dos seguintes (i) no caso de que a Plataforma SIGMA non se utilice de acordo coa documentación proporcionada á Universidade por SIGMA; (ii) no caso de que o fallo sexa provocado por manipulacións da Plataforma SIGMA non autorizadas previamente por SIGMA ou por software de terceiros.

Décimo terceiro:

Esta resolución será publicada nos Perfís do Contratante da Universidade e de SIGMA.

Décimo cuarto:

Este encargo producirá efectos desde o día da súa notificación a SIGMA e a vixencia estará supeditada á duración da prestación prevista no anexo I.

A súa vixencia inicial poderase prorrogar, mediante unha resolución expresa, sempre que continúen dándose as razóns que xustifican a necesidade de formalización do encargo. En todo caso, as prórrogas quedarán supeditadas á existencia de consignación orzamentaria suficiente e adecuada nos orzamentos xerais da Universidade das correspondentes anualidades.

Do mesmo xeito, con anterioridade á data de terminación do prazo inicialmente fixado ou de calquera das súas prórrogas, a Universidade poderá acordar modificacións sobre o contido do presente encargo, que se incorporarán como anexo e pasarán a formar parte deste.

Código Seguro De Verificación	Rp/QrMBdcAsN7/nTaSUxdQ==	Estado	Data e hora
Asinado Por	Reitor - Julio Ernesto Abalde Alonso	Asinado	13/10/2022 10:36:46
Observacións		Páxina	7/51
Url De Verificación	https://sede.udc.gal/services/validation/Rp/QrMBdcAsN7/nTaSUxdQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Décimo quinto:

A Universidade poderá resolver anticipadamente o encargo, mediando un preaviso a SIGMA cunha antelación mínima dun mes, nos seguintes supostos:

- incumprimento desta resolución ou
- incumprimento das condicións aprobadas pola Universidade

En calquera destes supostos realizarase a oportuna liquidación do encargo e recoñeceráselle a SIGMA o dereito a unha compensación tarifaria polas actuacións efectivamente executadas.

Décimo sexto:

Este encargo ten natureza administrativa e a súa interpretación e desenvolvemento rexeranse polo ordenamento xurídico-administrativo, a que lle serán de aplicación os principios da LCSP para resolver as dúbidas que se puidesen suscitar no seu cumprimento.

Décimo sétimo:

O proxecto obxecto deste encargo enmárcase nas liñas de actuación 1 e 4 definidas no anexo II do RD 641/2021, ao ser un proxecto propio da Universidade financiado mediante fondos do Plan de recuperación, transformación e resiliencia.

SIGMA aplicará na execución do Proxecto, en todo caso, as normas contidas que lle sexan de aplicación de acordo co RD 641/2021 e as disposicións que o desenvolvan, entre elas, a Orde HFP/1030/2021, do 29 de setembro, pola que se configura o sistema de xestión do Plan de recuperación, transformación e resiliencia, así como calquera outra norma que desenvolva, complementa ou substitúa as anteriores e que estea en vigor no momento de se formalizar os contratos.

Así pois, na súa condición de beneficiaria de axudas financiadas con recursos provenientes do Plan de recuperación, transformación e resiliencia –PRTR- (Fondo europeo NextGenerationEU) que participa como ente instrumental, no desenvolvemento das actuacións necesarias para conseguir os obxectivos definidos na axuda, comprométese á prestación do servizo cos estándares máis esixentes en relación co cumprimento das normas xurídicas, éticas e morais para o que adoptará as medidas necesarias para previr e detectar a fraude, a corrupción e os conflitos de interese e comunicarlle, se proceder, ás autoridades que proceda os incumprimentos observados.

SIGMA está actualmente traballando na avaliación dos riscos de fraude, corrupción ou conflito de interese, baseándose nas recomendacións da Oficina Antifrau de Catalunya. Unha vez adoptadas as medidas derivadas da avaliación, SIGMA cumprirá respecto dos proxectos do PRTR as esixencias canto á avaliación dos riscos da fraude e terá ao dispor do poder adxudicador as DACIS cubertas.

SIGMA comprométese a facer constar nos contratos que formalice para executar o Proxecto, de ser

Código Seguro De Verificación	Rp/QrMBdcAsN7/nTaSuxdQ==	Estado	Data e hora
Asinado Por	Reitor - Julio Ernesto Abalde Alonso	Asinado	13/10/2022 10:36:46
Observacións		Páxina	8/51
Url De Verificación	https://sede.udc.gal/services/validation/Rp/QrMBdcAsN7/nTaSuxdQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



o caso, a obrigación de achegar a información relativa ao titular real do beneficiario final dos fondos na forma prevista no artigo 10 da Orde HFP/1031/2021, do 29 de setembro.

SIGMA comprométese a facer constar nos contratos que formalice para executar o Proxecto, de ser o caso, a suxeición aos controis da Comisión Europea, a Oficina de Loita Antifraude, o Tribunal de Contas Europeo e a Fiscalía Europea, así como o dereito destes órganos a acceder á información sobre o encargo e/ou o convenio do cal trae causa.

SIGMA comprométese a facer constar nos contratos que formalice para executar o Proxecto, de ser o caso, as normas sobre conservación da documentación, de acordo co que dispón o artigo 132 do Regulamento financeiro.

SIGMA comprométese a cumprir as esixencias derivadas dos compromisos en materia de comunicación, encabezamentos e logotipos que contén o artigo 9 da Orde HFP/1030/2021, do 29 de setembro. En concreto, axustarase aos condicionantes propios da Axuda (Fondos Unidixital). Así, entre outras, cumprirá as condicións específicas da propia convocatoria en materia de comunicación (logotipos, factura que conteña as liñas de acción...), prazos de duración, aproveitamento por outras universidades públicas etc.

Atendido o contido do PRTR, SIGMA, AIE comprométese a respectar os principios de economía circular e evitar impactos negativos significativos no medio ambiente (DNSH, polas súas siglas en inglés, *Do No Significant Harm*) na execución das actuacións que leve a cabo no marco deste Plan, e manifesta que non incorre en dobre financiamento e que, se procede, non lle consta risco de incompatibilidade co réxime de axudas de Estado.

Asinado de forma dixital

O reitor
Julio E. Abalde Alonso

Código Seguro De Verificación	Rp/QrMBdcAsN7/nTaSUxdQ==	Estado	Data e hora
Asinado Por	Reitor - Julio Ernesto Abalde Alonso	Asinado	13/10/2022 10:36:46
Observacións		Páxina	9/51
Url De Verificación	https://sede.udc.gal/services/validation/Rp/QrMBdcAsN7/nTaSUxdQ==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

